

## Anexo documental

### Libro de cuentas del baile Pedro Jordán de Urriés

[Archivo de la Corona de Aragón, Real Patrimonio, Maestre Racional, Volúmenes,  
Serie General, nº 1693]

[ff. 1r-2v: *copia de la carta de nombramiento del gobernador general de Aragón, Jordán Pérez de Urriés*]

[f. 3v]

[...] e comisiones de la governa[...] don Jurdan Perez recibie por [...]isiones que el fizo a las personas las [...] infrascriptas.

Reebudes

[I] Primerament,<sup>1</sup> a IX de noviembre del anyo que se contava mil CCC LVII, recibie de los homnes de la universidat del lugar de Vaguena, por razon de remission que a la dita universidat fizo de avolot e concitacion de pueblo e agression que aquella universidat e singulares del dito lugar fizieron, e injurias y contumelias dixeron contra Lop de Gavassa, alguacir, e Sancho de Buesa, savio en dreyto, comissario por el dito governador a prender e ocupar los ganados que trobados fuessen en las froteras (*sic*), como enta part de Castiella como muytos e diverssos mandamientos fuessen seydos feytos por el dito governador, assi por letras como en otra manera, a los de las ditas fronteras que redrassen los ganados de las sobreditas fronteras, ius perdicion de aquellos, por tal que los enemigos castellanos no los podiessen haver, e por la dita universidat fue tirado a los ditos comissario e alguazir cierto ganado que de las ditas fronteras, assi como confiscado al senyor rey aduzian, e algunos singulares del sobredito lugar fizieron su esfuerço e poder en ferir con las armas que con si aduzian e matar el dito alguazir. Et ya sia qu'el dito comissario, consideradas las ditas cosas, la dita universidat et a Miguel Jufres e Domingo Andres, asi como presidentes de los mayores del sobredito lugar, que

---

<sup>1</sup> Comienza la mano 1.

aquello pudieron tirar en ciera[f.4r]tas quantias condempnasse, empero [...]dor fizo-les la dita remission [...] dita universitat e singulares habitadores [...]cordiosament enta ellos por [...].

[II] Item, a XIII<sup>o</sup> de febrero del anyo que se contava mil CCC LVIII<sup>o</sup>, recibie el dito governador de Junez Abenamor e Jafuda Chimello, jodios de la villa de Montalban, delatados o inculpados de la muert de Mosse Ferriz, jodio de la sobredita villa, por la qual inculpacion fizieron los ditos jodios composicion con el dito governador por: DCCC<sup>os</sup> solidos iaccenses.

[III] Item, a XXII de los ditos mes e anyo recibie el dito governador de Just Garcia, scrivano de la comunidat, si quiere universitat, jurados, adelantados e homnes de la universitat de las aldeas de la villa de Calatayud inculpados que algunos escusados en las ditas aldeas, los quales cavallo e armas en la frontera d'Aragon, por razon de la guerra de Castiella no havian tenido segun eran obligados, et encara algunos oficiales reales jurediccion dentro las ditas aldeas exercientes a algunos habitadores d'aquellas, los quales in exercitu con el dito senyor rey, qui devia batallar con el rey don Pedro de Castiella, venir havian recusado licencia, die[...] [f. 4v] [...]al razon, los ditos escusados [...]ros algunos a las sobreditas [...] comissarios en ciertas penas encorrieron; et ya sia que los ditos scrivano, jurados, adelantados e otros oficiales o la mayor partida d'ellos, segun el dito governador, fue plenerament certificado de las sobreditas cosas, fuessen inmunes e quitos. Empero, los ditos scrivano e los otros sobreditos fizieron composicion con el dito governador por razon de las cosas anteditas, no queriendo venir en juicio por las ditas razones, por: III<sup>M</sup>D solidos iaccenses.

[III] Item, a XII de marzo del anyo sobredito, recibe el dito governador de Miguel Frayre, Pero Martinez, Miguel, fillo d'Aparicio del Rey, Berholomeu, fillo de Bertholomeu de Moros, vezinos del lugar de Torralba, Pasqual de Clares, Domingo, fillo de Pero Gil, Johan Frayre, Aparicio Pelligero, Domingo Clares, Domingo Sol e Martin, fillo de Maria Adam, vezinos del lugar de Clares, aldeas de la villa de Calatayud, acordados con Pero Ferrandez de Sayas, scudero, por yr con el senyor rey al regno de Cerdenya, e fueron guiados por el dito senyor rey, dando idonea capcion de yr en el dito viage de Cerdenya, e fueron dadas fianças [f. 5r] en e sobre aquesto devant [...]justicia, e Miguel Perez de Terrer [...] villa de Calatayud, al dito justicia [...]go Garcia de Vera, scudero; Alffonso [Munyo de] Pomplona, savio en dreyto; Jayme de la Figuera; Guillem Domir; Pero Simon de Martel; Miguel Muñoz de Pomplona, fillo de don

Paschual Dominguez de Pomplona; Eximeno de Sayas, fillo de don Exemen de Sayas; Paschual Dominguez, fillo de don Paschual Dominguez el mayor; Ferrando del Vispe; Brun Mercader, notario; Martin de Domingo Assenssio, notario; Guiralt de Pomplona; e Pero Martinez Moraton, vezinos de la sobredita villa; Jayme Caro e Domingo Trasovares, vezinos del lugar de Villaroya; e Domingo Cubero, Johan de Moros e Martin Benedit, vezinos del lugar de Torralba; e Domingo Aznar, vezino del lugar de Aninyon; aldeas de la sobredita villa; los quales, guiados, si quiere acordados, la caucion sobredita crebantando, en el dito viage non fueron, exceptos los ditos Miguel Frayre e Pero Martinez, su fillo, e por la dita razon fizieron composicion, assi los principales guiados o acordados como las fianças de suso nombradas, con el sobredito gobernador por: VI<sup>M</sup> solidos iaccenses.

[f. 5v] [V] [...] abril del anyo sobredito, reci[...]governador de Levi de Cifuentes [...] jodios de la villa de Fariza, inculpados que en el tiempo de la guerra de Castiella los bienes suyos mobles en alguna part al regno de Castiella havian transportado e algunos crimenes havian cometido. Et porque el dito gobernador non trovava los ditos jodios assi culpantes fizieron composicion con el dito gobernador por: mil D solidos iaccenses.

[VI] Item, a IX de março del dito anyo, recibie el dito gobernador de los jurados e homnes del concello, si quiere universidat, e otros oficiales de Calatayud, inculpados que algunos escusados en la dita villa, los quales cavallo e armas en la frontera d'Aragon, por razon de la guerra de Castiella no havian tenido segund eran obligados; et encara algunos oficiales reales, jurediccion dentro la dita villa exercientes, a algunos habitantes d'aquella, los quales in exercitu con el dito senyor rey, qui devia batallar con el rey don Pedro de Castiella, venir havian recusado, licencia dieron, por la qual razon los ditos escusados, officales e otros algunos a las sobreditas cosas comissarios en ciertas penas encorrieron; [f. 6r] et ya sia que los ditos [...] del concello, si quiere universidat [...]partida d'ellos, segund el dito g[overnador] [...]ment informado de las sobreditas cosas fuessen inmunes e quitos. Empero, los ditos jurados e homnes del concello, si quiere universidat, fizieron composicion con el dito gobernador por razon de las cosas anteditas, non queriendo venir en juicio por las ditas razones, por: M D [...]

[VII] Item, a XXII de febrero del dito anyo, recibie el dito gobernador del scrivano e homnes de las aldeas de Darocha, inculpados que algunos escusados en las ditas aldeas, los quales cavallo e armas en la frontera de Aragon por razon de la guerra de Castiella no havian tenido, segund eran obligados por razon de la guerra de Castiella, por la qual razon

Bertholomeu de Vadenas, procurador; Martin d'Alava, scrivano; sesmeros, jurados e otros officales e homnes de la universitat de las aldeas de la dita villa de Darocha e singulares d'aquella, de las sobreditas cosas la mayor partida d'ellos, segund al dito governador era cierto, fuessen quitos et culpa alguna no havian; et por aquesto los ditos procurador, scrivano e los otros sobreditos fizieron composicion con el dito governador por: III<sup>M</sup> D solidos iaccenses.

[f. 6v] ,[VIII] [...] mes d'abril e anyo sobredito [...] governador, de Junez Abena[...] [jo]dio de la villa de Darocha, delado de fabricacion de falssas cartas e de algunas otros crimenes, sobre los quales el dito governador fizo fer inquisicion; et ya sia qu'el dito jodio se afirmas de las sobreditas cosas seyer sin culpa, empero el dito governador, veyendo q la culpa no era atal, recibie-lo a composicion por: III<sup>M</sup> solidos iaccenses.

[IX] Item, a XV de los ditos mes de febrero et anyo, recibie el dito governador de los jurados e homnes del concello, si quiere universitat de la villa de Darocha, inculpados que algunos excusados en la dita villa, los quales cavallo e armas en la frontera d'Aragon, por razon de la guerra de Castiella, no havian tenido segund eran obligados; et encara algunos officiales e otros algunos a las sobreditas cosas comissarios en ciertas penas encorrieron; et ya sia que los ditos jurados e homnes e officiales de la dita villa de Darocha o la mayor partida d'ellos, segund el dito governador fue plenerament informado de las sobreditas cosas, fuessen inmunes e quitos. Empero, los ditos jurados e homnes del dito concello y universitat fizieron composicion con el dito governador por razon de las cosas anteditas, non queriendo venir en juicio, por: M D solidos iaccenses.

[f. 7r] [X] Item, a VI de junio del anyo [...] [re]cibie el dito governador de don [...] de Cancerch, justicia; Garcia Perez de la [Figuera] [...] Blasco de Array; Guillem de Jarne; Nicholau d'Uros; Gil de Suduarz; Eximeno de Pardiniella, jurados; Francech Canyart; Nicholau Tallador; Johan Ferrer d'Acomuer; Johan de Fanlo; Johan d'Auar; Pero Seres; Ramon de Generes; Martin de Tolosa; Johan de Saules; Ramon de Fontanas; Johan d'Arguis; Arnalt Deça; Miguel de Pardiniella; ciudadanos et toda la universitat e singulares de la ciudat de Jacca, inculpados e acusados judicialment delant el dito governador por part de Peyrona, muller de Pero Ximenez, e de Maria e Sancha, fillas de Guiralt Aztor, senyor de Uxos, quondam, de la distruccion, si quiere diruycion, de la torre, si quiere casa e molinos del dito lugar d'Uxos, e de los bienes mobles alli estantes robados, e de la inobediencia a Bertholomeu d'Arbissa, lugartenient de sobrejuntero en

aquello feyta; et ya sia que los ditos de suso nombrados e universidat de Jacca se afirmassen no haver culpa en las sobreditas cosas e si en algo havian procedido, aquello havian feyto justament e razonable. Empo, que no entendian mas en aquello que inculpados eran proceder como fuessen parellados con el dito governador d'aquellas cosas componer, porque por ocasion d'aquellas por algunos oficiales no pudiessen seyer vetxados, e fizieron composicion por: VI<sup>M</sup> solidos iaccenses.

[f. 7v] [XI] [...] de junio del anyo mil CCC<sup>os</sup> L [...] recibe el dito governador de Abraham de Mayl, fillo de Jacob de Mayl, quondam, jodio de la villa d'Exea, inculpado de encorrimiento d'algunas penas en las quales por vigor de statutos, si quiere ordinaciones, feytas por el aljama de los jodios de la dita villa, yes a saber assi en inpetrar beces de la cort del dito governador como en otra manera, segund qu'es dizia era caydo, por la qual razon fizo composicion con el dito governador, e fizo-le'nde remission segund que en aquella se contiene por: CCL solidos iaccenses.

[XII] Item, los ditos dia, mes e anyo, recibe el dito governador de Salamon del Vayo, jodio de la dita villa d'Exea, inculpado que havia encorrido en algunas penas por vigor de statutos, si quiere ordinaciones, feytas assi por la universidat como por el aljama de los jodios de la dita villa e por ocasion d'una ferida de cuytiello por el dito Salamon en persona de Jacob del Frago, jodio de la sobredita villa, feyta, por la qual razon el dito jodio fizo composicion con el dito governador e fizo-le'nde remission por: CCL solidos iaccenses.

[f. 8r] [XIII] Item, en los ditos dia, mes [e anyo reci]bie el dito governador de Acath Toyo [jodio de la] villa d'Exea, acusado por el procurador [...] que era encorrido en pena de CC solidos por transgression de un mandamiento a el feyto por el justicia d'Exea o su lugartenient que fizies cierta obra e adobasse en los muros de la dita villa enta la part do eran las casas del dito jodio; e fizo ende composicion con el dito governador, el qual le'nde fizo remission por: L solidos iaccenses.

[XIV] Item, en los ditos dia, mes e anyo, recibe el dito governador de Exemen Blasco d'Exea, menor de dias, habitador de la villa d'Exea, por razon d'encartamiento contra el e algunos otros de la dita villa por el justicia d'aquella feyto, inculpados d'una muert o feridas feytas; et porque el dito Exemen duro en el dito encartamiento por un anyo e mas, e sus bienes eran confiscados al senyor rey, en los quales bienes algunos se dizian haver dreyto, de las quales cosas el sobredito Exemen fizo composicion con el dito governador e fizo-le'nde remission por: CC solidos iaccenses.

[f. 8v] [XV] [Item] [...] ditos dia mes e anyo recibie [...] de Sancho Sentia, fillo de Lop [...] de Sentia, qui fue, habitador de la villa de Exea, por semblantes razones e feytos del dito Exemen Blasco, e fizo composicion con el sobredito governador e fizo-le'nde remission por: LX solidos iaccenses.

[XVI] Item, a XII de noviembre del anyo sobredito, recibie el dito governador de los procuradores de la universitat de las aldeas de Saranyena porque el dito governador cessasse del processo o enantamiento qu'el fazia contra algunos singulares de las ditas aldeas, a instancia del procurador real, porque clamados de mandamiento del senyor rey muytas vegadas que venissen a acompañar e servir el senyor rey en la entrada de Castiella, en la qual proponia el dito senyor rey haver batalla campal con el rey de Castiella, su enemigo, et encara porque muytas vegadas requeridos e clamados que venissen a servir al dito senyor rey en huestes e adesitiamiento de castiellos e lugares dentro el regno d'Aragon sitiados, las penas del fuero en tales casos statuydas encorrer no dubdantes, por la qual razon e por tal que por los oficiales reales de las ditas cosas non fuessen fatigados los ditos [f. 9r] procuradores por toda la dita u[niversitat] [...] ditas aldeas e singulares [...] composicion con el dito governador e el fizo-les [...] remisson por: [...].

[XVII] Item, XXIII<sup>o</sup> de deziembre del mas cerca dito anyo recibie el dito governador de los homnes de la villa e aldeas de Montalban, acusados e contra los quales se procedia por Sancho de Buesa, savio en dreyto, y Ferrand Sanchez d'Albero, comisarios por el dito governador deputados a proceder contra aquellos qui clamados a acompañar el senyor rey e aquel servir en la entrada de Castiella, en la qual el dito senyor rey havia propuesto e sperava haver batalla con el rey de Castiella, su enemigo, e otrosi por muytas vegadas requeridos e clamados que al dito senyor rey venissen a servir en las huestes e otros feytos e desitiamientos de Castiellos e lugares del dito senyor rey dentro el regno d'Aragon sitiados, e en otra manera en los casos en los quales, por huest o exercitu de fuero e por la naturaleza que son ascriptos al senyor rey, en menosprecio de la senyoria real venir inreverendement ometieron las penas de fuero e razon en los [f. 9v] ,[...] e semblantes statuydas con [...] encorriendo, por las quales razones los ditos homnes e universitat de las ditas villa e aldeas, diziendo que ya sia que de las sobreditas cosas fuessen inmunes, e que de las ditas penas se pudiessen devidament excusar; empero, por tirar vetxacion d'oficiales reales, que les podia seyer feyta por occassion de las sobreditas

cosas fizieron composicion con el dito governador e fizo-les ende remission por: III<sup>M</sup> DC solidos iaccenses.

[XVIII] Item, a XXII de mayo del anyo mil CCC LX<sup>o</sup>, recibie el dito governador de Johan Perez, fillo de Martin Perez, vezino del lugar de Monuebrega, aldea de Calatayud, inculpado de una invasion feyta, assi por palavra como por feyto, a Belenguer Çapata, portero del senyor rey, usando de su officio, senyaladamente sobre abrimiento d'una puerta contra inhibicion del dito portero feyta, segund se dizia, por el dito Johan Perez o sus domesticos de su mandamiento, por la qual razon fizo composicion con el dito governador, e el fizo-le'nde remission por: CC solidos iaccenses.

[f. 10r] [XIX] Item, a II de octubre del proxime [...] el dito governador de Paschual de Igries, n[otario] de la villa d'Almudevar, inculpado de de[...]gacion d'un alvara por el, como notario tiempo havia certificado, por el qual albara Juçe Corobriel, jodio de la dita villa, atorgo haver recebido de Bertholomeu de Noscito, Jayme Ciutat, Jayme Fones, Bertolomeu de Ferrado, don Matheu de la Saella, Domingo de Latren, Domingo d'Oson, Johan d'Antolin Crespo, vezinos de la dita villa, cierta quantia contra honestat de su officio e depues algunos intervinientes livro a los sobreditos hombres el dito albara, de la qual razon fizo composicion con el dito governador, e el fizo-le'nde remission por: CC solidos iaccenses.

[XX] Item, a IX de noviembre del proxime dito anyo M CCC LX, recibie el dito governador de Jayme, fillo de Paschual don Marcho, qui fue vezino del lugar de Paracuellos de Siloca, aldea de Calatayud, inculpado d'algunos crimenes e excessos enormes en la persona de Aynes, filla de Pero Royz, de Benavent del regno de Castiella, habitatriz del dito lugar de Paracuellos perpetrados; et ya sia qu'el dito Jayme afirmasse el non seyer culpant en aquello, empero teniendose de vetxacion o fatigacion de los oficiales rea[f. 10v][les] [...]otas cosas fizo composicion con el [gover]nador, e fizo-le'nde remission por: MD solidos iaccenses.

[XXI] Item, a XIII d'agosto del anyo M CCC LXI, recibie el dito governador de Sancho d'Aranyon, vezino del lugar de Moriello, delado e inculpado de muytos enormes excessos, e en deservicio del senyor rey perpetrados; et ya sia qu'el dito Domingo se dezis seyer sin culpa de lo sobredito, empero por tirar vetxacion de los oficiales reales, fizo composicion con el dito governador e el fizo-le'nde remission por: DCCC solidos iaccenses.

[XXII] Item, a XXV de setiembre del anyo proxime dito M CCC LXI, recibie el dito governador de Jurdan d'Arasanz, notario e bayle, si quiere lugartenient de bayle, del lugar de Nabal, inculpado d'occultacion de una carta fazient por Johan de Jussen, la qual el dito Jurdan recibie como notario; et encara de retinimiento d'algunas piedras e fusta, e de otras cosas de la fortaleza, si quiere castiello, del dito lugar de Nabal, e aquellas cosas en sus propios convirtiendo por el dito Jurdan feytas; et otrosi en los ditos officios haver delinquido, en menosprecio e offensa del senyor rey; et ya sia qu'el dito Jurdan se dezis no haver culpa en las [f. 11r] sobreditas cosas, empero, por tal que por los [...]e oficiales reales sobre las ditas [...]dies seyer vexado o inquietado, fizo composi[cion con] el dito governador e le'nde fizo remission por [...].

[XXIII] Item, primero dia d'ctobre del anyo M CCC LXI sobredito, recibie el dito governador de Jayme d'Agreda scudero, habitador de la ciudat de Barbastro, inculpado de transgression de un mandamiento por el governador feyto, a instancia de Garcia Castellezuelo, por ocasion d'un emparamiento del castiello e lugar de Castellazuelo, terminos e dreytos d'aquellos, en poder del dito Jayme presencialment feyto en menosprecio del dito governador e offensa, por la qual razon el dito Jayme fizo composicion con el dito governador e el le'nde fizo remission por: D solidos iaccenses.

[XXIV] Item, a XIX de noviembre del dito anyo LX<sup>a</sup> primo, recibie el dito governador de Garcia Aznarez, vezino o habitador del lugar de Magallon, justicia qui fue del lugar d'Alcala, inculpado que en el tiempo de la guerra entre Aragon e Castiella suscitada e quando el rey de Castiella el lugar e Castiello sobredito d'Alcala sitio, el dito Garcia con el el dito de rey de Castiella ante[f. 11v] [...] de los ditos castiello y lugar [...] con el dito rey, por la qual faulta los ditos castiello e lugar fueron ocupados e presos por el dito rey, et recebida informacion por el dito governador de las sobreditas cosas, porque trobo el dito Garcia Aznarez no haver culpa en la sobredita inculpacion, e porque por los oficiales reales de las ditas cosas non pudies seyer inquietado el dito Garcia Aznarez, fizo composicion con el dito governador e fizo-le'nde remission por: M CC solidos iaccenses.

[XXV] Item, a XVII de julio del anyo M CCC LXI<sup>o</sup> sobredito, recibie el dito governador de Jayme Ximenez, notario, vezino del lugar de Atheca, aldea de Calatayud, inculpado del livramiento o vendicion d'un libro o quadernio de notas, las quales se dizian seyer recibidas o testificadas por Johan Romeu de Sos, notario quondam, contra la honestat del officio del dito Jayme, antes verdaderament dolo e malicia por el dito Jayme,

segund se dize feytas, por la qual razon fizo composicion con el dito governador e le'nde fizo remission por: mil solidos iaccenses.

[f. 12r] [XXVI] Item, a XVIII<sup>o</sup> de setiembre [...] LX<sup>o</sup> primo, recibie el dito governador de [...] Puertolas, Lop de Çiresuela, Domingo [...]Silbes, Ferrando de Puertolas, Gonçalvo Sorina, Johan de Buarba, Johan de Puyuelo e Ramon de Puyuelo, fillos del abbat de Sant Vicient, habitadores del lugar de Boltanya, inculpados de algunos excessos e delictos por los sobreditos de suso nombrados en la persona de Sancho Lopez de Boltanya, bayle del dito lugar, segund se dizia perpetrados; et porque d'aquesto por los officiales reales non pudiessen seer vetxados, fizieron composicion con el dito governador e fizo-les ende remission por: D solidos iaccenses.

[XXVII] Item, a XXIII<sup>o</sup> de janero del anyo mil CCC LXII<sup>os</sup>, recibie el dito governador de Johan Dueso, vezino de la villa d'Almudevar, por razon d'algunas palavras injuriosas por el dito Johan Dueso a Johan de Raro, la ora justicia d'Almudevar, ditas, por las quales el dito justicia al dito Johan Dueso en quantia de mil solidos condempno, por la qual cosa el dito Johan Dueso fizo composicion con el dito governador e el l'ende fizo remisson por: CCC solidos iaccenses.

[f. 12v] [XXVIII] [...] marzo del dito anyo M CCC LX[II] [...] recibie el dito governador de Domingo Garcia e Lazaro del Era, jurados del anyo mas cerca passado del lugar de Alharva, aldea de Calatayud, inculpados que Martin de Sayas, el qual ellos tenian preso, se era foydo de la preson, de la qual foyda los ditos Domingo e Lazaro no havian muyta culpa, segund qu'el dito governador ende havie certificacion e los ditos Domingo e Lazaro por aquesta razon fizieron composicion con el dito governador e el les ende fizo remission por: CCC solidos iaccenses.

[XXIX] Item, a cinco d'abril del dito anyo mil CCC<sup>os</sup> LXII<sup>os</sup> recibie el dito governador de Rabi Jucef Acortox, jodio de la villa d'Exea, inculpado de fabricacion de falssas cartas por el feytas; et porqu'el dito Rabi Jucef era pobre, el dito governador graciosament lo quiso recibir a composicion e fizo-le'nde remission por: C solidos iaccenses.

[f. 13r] [XXX] Item, a V<sup>o</sup> de deziembre del an[yo] [...] LXII antedito, recibie el dito g[overnador] [...] Acach Abenaçora, fillo de Vidal Abe[na]çora, quondam, jodio de la ciudat de Caragoca, inculpado de robamiento de los bienes que fueron de Simuel Abecuba, jodio de la dita ciudat, los quales por el dito Acach e su padre se dizian seyer

escondidament occupados en derogacion de los dreytos reales; et por la dita razon el dito Achach fizio composicion con el dito governador e el fizio-le'nde remission por: DCC solidos iaccenses.

[XXXI] Item, a XXII de febrero del anyo mil CCC<sup>os</sup> LXIII, recibie el dito governador de Johanna Lopez d'Ahones, muller de Guillem Palazin, quondam, vezina de la ciudat de Caragoca, inculpada de cobrimiento de algunas pieças de panyo de diversos colores d'Ipre, que eran, segund se dizia, de un mercadero del regno de Navarra, en poder de la dita Johanna e del dito su marido mientras bivia, apres que la guerra la ora present entre los regnos d'Aragon e Navarra fue publicada, estantes, non feyta por la dita Johanna o su marido, o otro en su lugar, a los officia[f. 13v]les [...]nyor rey notificacion meno[...] las preconizaciones generales sobre aquestas cosas feytas, en derogacion manifiesta de los dreytos reales; et de las ditas cosas la dita Johanna fizio composicion con el dito governador e el fizio-le'nde remission por: mil solidos iaccenses.

[XXXII] Item,<sup>2</sup> recibio el dito regient de Arnalt de Torres, de Pedro Millaruel, de Benedet d'Çoferre e de otros singulares de la ciudat de Barbastro, fazientes conventicula e monopolio e concitaciones contra los mayores de la dita ciudat, constituyendo procuradores pora a aquello, la qual cosa se fazia en deservicio del senyor rey e contra fuero, e por aquella razon fueron los sobreditos condempnados por sentencia del dito regient, die XXVIII<sup>a</sup> augusti anno a nativitate Domini M<sup>o</sup> CCC<sup>o</sup> LX<sup>o</sup> V<sup>o</sup>, en la dita ciudat, en quantia de: V<sup>M</sup> D<sup>os</sup> solidos iaccenses.

[XXXIII] Item, a XXIX dias de los ditos mes e anyo, recibio el dito regient de Bertran Dueso, savio en dreyto de la dita ciudat, por razon de composicion que fizio con el dito regient de la anotacion feyta de sus bienes per lapsus die et anni, segunt [f. 14r] fuero, por que [...]das que feyto havia a Pedro [...]ora de la dita ciudat e citado legi[...] [com]parecer non quiso, fue encartado e la dita [...]tacion feyta e fue-le feyta remission [...] el dito feyto e la dita composicion por: [...]

[XXXIV] Item, a seys dias de mes de setiembre del anyo sobredito, en la ciudat d'Uesca, porque algunos singulares de aquella en grant numero fazian conventicula, monopolio e concitaciones cuenta los mayores de la dita ciudat, en deservicio del senyor rey e cuenta fuero, e pora proseguir su mal proposito fizieron procuradores, et assi como

---

<sup>2</sup> A partir de aquí, sigue la mano 2.

en cosa notoria e manifiesta mando fer el dito regient en los bienes d'aquellos exequcion en la pena del fuero, la qual recibio: IIII<sup>M</sup> solidos iaccenses.

[XXXV] Item mas, por la dita razon, de Johan de la Barba, Domingo Verdez, Johan de Securo e de Sancho Rubert, procuradores de los sobreditos conventiculadores: II<sup>M</sup> solidos iaccenses.

[XXXVI] Item, a XXX<sup>a</sup> dias d'agosto, anyo a nativitate Domini M<sup>o</sup> CCC<sup>o</sup> LXX<sup>a</sup> primo, quo anno dictus regens per sententiam dicti domini regis reductus, excitit ad dictum officium a quo ut dicta continet sententia in iuste suspensus fuerat, recibio el dito regient de Johan de Palo, vezino de Barbastro, porque non podie representar a Jurdan, su hermano, en la accusacion criminal feyta contra el por Sabent, nuncio del officio del sobrejuntero de Sobrarbe, por el qual Jurdan el dito Johan se consituyo fiança e huvo ende remission por: D<sup>os</sup> solidos iaccenses.

[f. 14v] [XXXVII] [...] anyo a nativitate Domini M<sup>o</sup> [...] por que Johan de Verdun, vezino de [Car]agoca, acusado de la muert perpetrada en la persona de Domingo Johan Royo, vezino de la dita ciudat, ante'l calmedina de aquella parecer non curo a responder a la dita accusacion legitimament citado, fue reputado contumac e encartado; et por aquesto huvo recusso al dito regient, el qual le fizo remission del dito encartamiento e accusacion, e recibio por aquella el dito regient: XXX<sup>a</sup> florines.

[XXXVIII] Item, a XXV<sup>o</sup> dias de setiembre, anno quo supra, el dito regient recibie de Johan Ferrero, de Paschual de la Moreria e de otros vezinos e habitadores de la villa de Cetina acusados criminalment por el fiscal procurador de prohibitas congregaciones, emprendimentos e monopolios, que se dezian por ellos seyer feytos, de la qual accusacion el dito regient les fizo remission por las razones en aquella contenidas: M CC<sup>os</sup> solidos iaccenses.

[XXXIX] Item, a XVI dias de noviembre, anyo quo supra, Miguel Perez, notario, vezino de Cetina, delado de mutilacion feyta por el del braço ezquierdo a Sancho Garcia, justica la ora de la dita villa, e por aquella razon acusado ante'l dito regient puso-se a merce del dito regient, el qual, haviendo esguart ad aquesto, relexo-le la dita accusacion e fizo-le'nde remission, por la qual recibio: DCC<sup>os</sup> solidos iaccenses.

me e' abril e d'nyo sobredito  
Gouernador de Jurez abena  
de la d'ca villa de Darocha delado  
de fabricacion de falsas cartas e de algunos  
orcos emene sobre los quales el d'co Gouma  
dor hizo ser inquisicion Et ya sia q' d'co  
podio se afirmar d'ca p'biditas cosas por  
su culpa E mpo el d'co Gouernador veyo  
do q' la culpa no era aral Reubie lo  
reoposicion por

uy. p'biditas

Item a xv. d'os dias me de febrero et  
d'nyo Reubie el d'co Gouernador d'os Jura  
dos e homes d' Conello q' quere d'p'nsadas  
de la villa de Darocha culpados q' algu  
nos excusados en la dita villa los quales  
Cauallo e Armas en la feonra Darago  
por raze de la guerra de Castilla no  
hayan tenido p'quid eza obligados Et  
encara algunos oficiales e orcos algunos  
alas p'biditas cosas comissarios e n'ces  
tas ponas encoyere Et ya sia que  
los d'cos Jurados e homes e oficiales de  
la dita villa de Darocha o la mayor pa  
da d'os p'quid el d'co G. fue ploniamen  
informado de las p'biditas cosas fueren Ju  
rados e homes E mpo los d'cos Jurados e homes d'ca  
d'ca conello e d'ca d'ca fueren oposidos con el d'co  
Gouernador por raze de las cosas m'edias no quere de  
ny en gubiao por

ay. d' p'biditas

Imagen del documento analizado (ACA, RP, MR, 1693, f. 6v)